




John Carter Brown
Library
Brown University

39



68.6

Kingdom of Great Brittain
12 Real Mon
3.

CAROLI
CLVSII ATREB.
ALIQVOT NOTÆ
IN
GARCIAE
Aromatum Historiam.

EIVSDEM

Descriptiones nonnullarum Stirpium, & aliarum
exoticarum rerum, quæ à Generoso viro FRAN-
cisco DRAKE Equite Anglo, & his obseruatæ
sunt, qui eum in longa illa Nauigatione, qua
proximis annis vniuersum orbem circumiuit,
comitati sunt: & quorundam peregrinorum
fructuum quos Londini ab amicis accepit.



ANTVERPIÆ,
Ex officina Christophori Plantini,
M. D. LXXXII.



ILL^{ri} AC MAG^{co}

DOMINO BALTHA-

SARI DE BATTYAN

*hereditario Regalium Dapiferorum in
Vngaria Magistro, & S. C. R. Q. M^{tis}
Consiliario &c.*

CAROLVS CLVSIVS A.



OBILEM virum Anglum,
proximis his tribus annis
vniuersum orbem circum-
nauigasse, V. Mag^{am} intelle-
xisse arbitror: celebris enim
fuit vbique de eius reditu fama.

E A, dum superiore anno in Anglia ef-
sem, me permouit, vt nonnullam familia-
ritatem cum iis ambirem, qui ipsum comi-
tati sunt, aliquid de rebus, quas in longa il-
la nauigatione obseruassent, cognoscere
desiderans: quod amicorum quorundam
sedulitate non modò mihi obtrigit, sed ad
ipsorum Praefectum Dn. FRANCISCVM
DRAKE, naui dominum aditum insuper ha-
bui, qui plurima humanissime mecū cōtu-
lit. Multa prēterea cū Nobilis quidā Eliot
cognomine, qui ei comes fuit, tum alij ex

Drake familia auditu periucunda retulerunt: sed maximè grata fuere, quæ ad *Εοταρινδον* studium pertinentia ab iis didici.

H O R V M omnium, tum aliorum quorundam exoticorum fructuum, quos in Britannica ista peregrinatione adque breues descriptiones, & nonnullas icones in rei herbariæ studio summi exhibere, atque ad *Notas* quas in *Garcie Aromatum* historiam, post tertiam editionem, conscripsi, addere volui, non minus gratas eis futuras sperans, aliis lucubrationibus prius in lucem à me editis.

C E T E R V M, quoniam *V. Mag^{am}* huiusmodi rebus delectari scio, ipsius homini nuncupare libuit, cōfidens in insigni quam instruit Bibliotheca, locum etiam illis inter reliquos libros concessurum: & tenuem istam, pro plurimis in me collatis beneficiis grati animi demonstrationem boni consulturum.

Q V O D ut facere non grauetur, plurimū oro, illi à Deo omnia felicia exoptans.
Viennæ Austriæ, Cal. Ian. M. D. LXXXII.

C A R O.

CAROLI CLVSII

ATREBATIS IN ARO-

MATVM HISTO-

RIAM NOTÆ.

BETRE, Areca, & Indicas nuces
sive Cocos ferentis arborum icones,
ante multos annos in Belgium ad me
misit C. V. Alphonsus Pancius p.
m. 7^{ll^{mi}}. Ducis Ferrariae olim Me-
dicus. Sed cum eas fictitias esse exi-
stimarem, neque secunda, neque tertia editione, Aro-
matum historia inserta fuere.

CUM superiore porro anno sermones conferrem
cum ornatissimo viro, multisque peregrinationibus
claro Dn. Fabricio Mordente Salernitano, qui ali-
quot annis Goæ vicinisq. in India locis vixit, in men-
tionem earum arborum quæ istic nascuntur incidi-
mus: de quibus sanè multa admiranda, & auditu mi-
hi incundissima disseruit. Protuli itaque Pancij ico-
nes, ut illius indicium intelligerem. Eas autem cum
genuinas esse affirmaret, exceptis paucis notis quas ex
ipsius admonitione corrigi iussimus, exprimi curavi-
mus, & breues descriptiones in studiosorum gratiam
adiunximus.

BETRE Cap. 18. lib. 1. Aromat.

ARBORIBVS sese implicat & circumvelut
Betre, easque scandit Hederae modo, cui perquam si-
milia habet folia, teste Fabricio & pictura: fructum

BETRE.



et foliorum exortu promit contortum ut Garcias re-
fert & pictura ostendit. Cui cum similimus videatur
eductus à Rasso mihi ante decennium donatus, eius
etiam iconem oculis subiecimus.

ARECA Cap. 25. lib. 1. Aromat.

IN magnam altitudinem excrescit *Areca arbor*, *Areca*.
trunco equali propemodum ubiq. crassitie, qui cortice
integitur adeo leui, ut nullum ascensum prebeat, nisi
optatis ad pedes compedibus & laqueis, aut cincto per
eternalla caudice vinculis quibusdam ex sparto aliā-
e materia confectis, quemadmodum Garcias in nu-
es Judicas ferente arbore, qua proximo capite descri-
bitur, refert. Huius rami deorsum nō inflectuntur, sed
versum vergunt, & incurvantur, ut procul intuenti-
us orbem quodammodo conficere videantur: folia pe-
rinatim ramos utrimque ambiunt, alioqui *Palme*
nilia. Fructus deni aut duodeci suis involucris vil-
lis tecti dependent ex crassis et oblongis pediculis, qui
inferiorum ramorum alis nascuntur.

Mendam in tertia annotatione eiusdem cap. sic corrigito
. r. esset q. i. l. 4. c. 2. f, q. q. f. t. c. e, p. e. v. a, nisi postea
usam subiiceret. A. S. &c. adde ad calcem eiusdem annota-
onis, Hec ille de Sultano Cambaia, quem pater à cunabulis vene-
aluerat.



Cap. 26. lib. I. Aromat.

COCCOS ferens arbor Palma modo crescit, & Coccus.
in altum tollitur: eius tamen caudex minime ut in
Palma scaber, sed laevis est. Eam ob causam subinde
vinculis ligaturisque quibusdam ex sparto aut alia
simili materia constantibus per intervalla cingi solet,
eaque vincula ferreis clavis trunco interdum adfi-
guntur, ut firminus hareant, facilioremque ascensum
praebeant: alioqui difficulter omnino scandi potest, nisi
laquei pedibus aptentur. Rami ut in Palma deor-
sum inflectuntur in arcum, dorsoque sunt elatiore,
utrisque oris in anteriorem seu superiorem partem
vergentibus, unde folia nascuntur Palma similia. Ex
inferiorum ramorum, qua caudici connectuntur, alis,
aliy enascuntur rami, qui quinas & senas proferunt
nucis suo multiplici densoque velamine tectas.

PORRO adeo vicina interdum solent crescere
Areca & Cocci arbores, ut earum rami mutuo sese im-
plicantes, pulcherrima umbracula praebeant ad So-
lis radios aestusque arcendos.

In his etiam commorantur plerumque simia & cer-
copithecii, perque ramos ex una arbore in alteram
transcendunt, venatorum qui eas persequuntur cona-
tus ea ratione subinde eludentes.

Mendam quae eodem cap. in Historia Cocci apud Gar-
ciam est, sic corrigito: a. f. q. i. a. f, u. c. a. p. lege: aut fasciis
vinculisque quibusdam arbores per intervalla colligantes.

Ad secundam annotationem cap. 34. lib. I. Aromat. adde.
πατάλην verò Straboni Geograph. lib. 15. Insula est, quam
Indus facit in duas partes diuisus, figura triangula: in qua
urbs est insignis nomine Pattala, à qua insula nominatur.

A

S

COCCVS



ARBOR TRISTIS Cap. 1. lib. 2. Hist. Arom.

ET quoniam nobis multa etiam retulit de Arbore
isti, cuius naturam, dum istic esset, summo opere est
miratus: illius ramum cum suis floribus exprimi
simus.

ASSURGIT verò ea arbor interdum ad trium Arboris tri-
minum altitudinem, iustamque crassitiem adqui- stis historia.
t: ramos habet multis alis concavos, & foliis myrti
is quàm similimis onustos: in tenerioribus ramis
sunt flores pediculis ex foliorum interna sede
odeuntibus inhaerentes, copiosi, hoc est terni, qua-
rni, aut plures simul fere congesti, candidi, Jasmi-
floribus forma magnitudinèque pares, foliisque mu-
onatis, ut illi, constantes, sed pleniores multiplicique
iorum-textura, odoris fragrantissimi, & haud mul-
m à Jasmini florum odore dissimilis; noctu autem so-
nt y flores explicari, & oriente Sole, simulatque ab
is radiis illustrari incipiunt, ilico decidere, vel an-
pathia quadam, vel præ nimia succi tenuitate, quem
ares radij absorbunt: nam quos Sol non attingit,
utius in arbore herere solent. Studiosè verò colli-
entur y flores propter odoris fragrantiam, & vitreis
ganis odoratissima ex illis aqua elicitur, quæ aqua
mogli dicitur asserente Fabricio, quoniam Mala-
rica lingua arborem Mogli vocant, florèsque idem Mogli.
men mutuati sunt.

Eius fructum observasse negat: quem verò adpin-
iussimus, sub finem anni 1579. missus est Viennensi
idam mercatori pro fructu arboris Indica cuius flo-
s odoratissimi noctu aperiuntur, & oriente Sole de-
dunt: quibus notis maxime ad Arboris tristis hi-
oriam accedit.

ARBOR



CETERVM sub anni 1580. initium simile plantę semen à C. V. Joachimo Camerario Viennam missum fuit, quo terra commisso, duę planta enatae sunt, quas Septembri florere incipientes, repentinũ gelu perripit. Ipse vero Camerarius plures plantas nactus est, quę flores quidem protulerunt, minime tamen ad frugem pervenerunt, eiusdem gelu iniuria. Intellexit autem, si semen plenam maturitatem consequatur, autumnino excidere, & sese plurimum propagare. Idem meius plantę floribus siccis nativum colorem retinentibus, & pictura ad vinum expressa liberaliter donavit.

PRIMUM ę terra emergit ocymi, quod cereale Iasmini Mex-
nonnulli cognominant, aut Circeę Lutetianę fere mo- xicani histo-
do, deinde caulem promit cubitalem, aut amplio- ria.
rem, pollicari crassitudine, succulentum, firmum,
ex viridi purpurascentem, frequenter uti Balsamina
femina geniculatum, & in ramos frequentes divi-
sum: folia in singulis geniculis bina ex aduerso sem-
per nascentia, Siliquastri fere vel Circeę Lutetianę
foliis admodum similia, succi plena, circa basim ampla,
& per extremum mucronata, quę gustata, folio-
rum siliquastri grauem odorem, & tandem etiam a-
crimoniam propemodum referunt: flores in ramulo-
rum alii singuli, oblongi, concaui, floribus Tabaci fere
similes, nequaquam tamen in mucronatos angulos ut
illi desinentes; verum in obtusos, nemadmodum con-
uoluoli flores Tabaci floribus etiam ampliores, elegan-
tissima interdum purpure nitentes, interdum flau-
aut pallentes, interdum etiam candidi, & plerun-
que binis coloribus eadem flore elucescentibus, vel
per medium mediamque partem occupante, vel
per totum florem intercurrente, vel tenuissime



per eum asperso, odoris suavis, staminulis plurib. cum
 stilo paulo longiore e medio flore emergentibus, caduci
 admodum, & subito præsertim sub meridiem sese con-
 trahentes florum conuoluoli modo: calyculi flores am-
 plectentes in quinque mucronatas lacinias sunt diuisi,
 virides, & quasi membranei, in quibus unicum semen
 sua membrana siue pericarpio inclusum, quod ubi ma-
 turuit fuscum est, angulosum, tuberculisque quibus-
 dam insignitum, & veluti corona exigua ornatum su-
 periore parte, bacca myrti ferè magnitudine: radix,
 tametsi annua duntaxat, satis crassa, intus alba, foris
 nigricans, & fibris aliquot prædita, gustu nonnihil
 acri, cui admista sit superficialis quedam dulcedo. Il-
 lud etiam in hac planta observatione dignum, quod
 cum contabescit, integri articuli decidant, & circa
 genicula interdum candida quedam efflorescentia
 enascatur, quæ temporis successu concreta, salis sapo-
 rem refert: cuius notæ idem Camerarius candide ad-
 monuit.

Peregrina & perelegans est hac planta, nec ante
 annum 1580. mihi conspecta. Eius semen Camerarius
 ex Italia acceperat Iasmini Indici siue Mexicani Iasmini
Indici, vel
Mexicanum.
 nomine: bacca Myrti ferè magnitudine, nulla mem-
 brana siue pericarpio inclusum; & spontè ubi maturue-
 rit, vel leuissima agitatione excidens. verum cum ni-
 hil Iasmini præter odoris suauitatem, ad quam non-
 nihil accedit, habeat, non video qua ratione commodè
 hac appellatione insigniri queat. In Belgio, ubi etiam
 feliciter apud nonnullos rei herbarie studiosos cum hoc
 anno tum superiore creuit, Solanum odoriferum vo- Solanum
odoriferum.
Marauillas
del Peru.
 catum est: Hispani Marauillas del Peru, id est ad-
 mirabilem peruanā appellarunt propter tam insignem
 in eadē interdum planta florum varietatem: tametsi
 quas plu-

quas plurimas hoc anno in Hieronymi Scholiers suburbanis (unde unam exemptam delineari iussi, cuius hinc iconem proponimus) Antuerpiæ, & Nobilis matronæ C. V. Hoperi I. C. viduæ horto Colonia conspexi, singula stirpes vel omnino rubros, vel è rubro & pallido simul permixtis coloribus distinctos protulerunt.

At quas postea hoc eodem anno 1581. circiter Cal. Octobr. in Ill^{mi}. Principis Wilhelmi Landgraviæ Hassiæ &c. amplissimo & cultissimo horto Cassellis vidi, mirā varietate colores mutare deprehēdi. Nam licet unica planta centenos aut plures flores vno die interdum proferret, ne vnus quidem (præter eos qui aut toti purpurei, aut pallidi erant) alteri similis erat: sed omnes colorum (tametsi purpureo & pallido constantium) varia mixtura inter se differebant: cum nonnunquam purpura medium quasi florem secaret, nonnunquam alterni, modo purpurei, modo pallidi radij totum distinguerent, aut interdum magnis, modo exiguis purpurantibus maculis vario situ et mixtura toti flores aspergerentur. Altero die (nam, ut diximus, caduci admodum sunt; & quodammodo ephemeris, imò plerumque à meridie, præsertim per æstus, contrahuntur & flaccescunt) non minor in floribus recens enatis conspicitur varietas, & tamen si quis cum pridie decerptis, & inter chartas repositis conferat, colorum situ ab his discrepare animaduertet. Tertio itidem die & subsequentibus similiter: ut insignis ista mutatio magnopere me commoueret, & in summam admirationem raperet.

Hachal indi.

Illud autem mirum, ex eodem semine insignem istorum florum varietatem præterire. Peruanos Hachal indi crassa & in palato formata pronuntiatione nominare intelligo.

FICVS

FICUS INDICA.

SED quandoquidem in Indicarum arborum narrationem incidimus, silentio minime premendam duxi miraculo vere dignam eam arborem, de qua idem Fabricius apud me verba fecit.

IN magnam altitudinem unico trunco eoque admodum crasso assurgere solet: ramos deinde in omnia circum latera expandit, qui tenues quasdam fibras siue filamenta (qualia in Cuscuta vulgo nuncupata conspicimus) coloris, dum recentia sunt, cerei siue aurci demittunt. Iis, ubi terram attigerint, firmantur, novamque quasi prolem generant: etenim magnam crassitiem paulatim adquirunt, & veluti in novos arborum caudices transeunt, qui novos rursus summa sui parte in latera ramos spargentes, novis denique fibris deorsum missis sese propagant. Sic alij deinceps rami in infinitum, ut interdum unica arbor suis propaginibus integram ferre miliare Italicum in ambitu occupet, sitq; difficile, quæ primaria sit arbor, siue omnium istarum prolium parens diiudicare, præterquam ex trunci amplitudine, quæ nonnunquam in matre tanta est, ut trium virorum vlnis vix apprehendi queat. Verum non modo inferiores rami similes fibras spargunt, sed etiam in arbore summi: deoque unica arbor densissimam silvam efficit. Sub eas autem arbores aditum sibi paraturi incole, fibras iam in ramos conuersas, tenuiores scilicet, exscindere solent, utque ea ratione veluti concamerationes & umbracula facere arcendi calor gratia: adeo enim densis ramulis reliqui maiores rami luxuriât, ut solis radij nulla ratione penetrare queant: imo concavi istarum fornicum multiplicesque sinus scindunt inequaliter inde resultantem æra, quæ causa est ut Echo multis in locis ter atq; etiam apius humanas voces reddat. Vidit verò, qui mihi refe-

Ficus Indica
historia.



rebat,

bat, interdum octingentos aut mille viros, quo in numero ipse fuisset, unius huiusmodi arboris umbra te-
 : atque affirmabat terna etiam hominum milia sub tali
 rbore latere posse. Folia fert in nouellis ramis mali co-
 nei foliis similia, superne viridia, inferne candicantia,
 lanugine, uti illa, pubescentia, quæ mirum in modum
 Elephantis expetuntur, ideoque in eorum pabu-
 m cedere solent. Fructus extremi pollicis articuli ma-
 nitudine, ficibus exiguis similis, colore foris et intus san-
 guineo, granisque, uti vulgares ficus, plenus, dulcis qui-
 em & edulis, verum saporis minus grati quam ille: na-
 titur autem inter folia, quemadmodum vulgares ficus,
 hoc est in nouellis ramis, qua parte folia illis inhaerent.

Prouenit in insula Goa, locisque vicinis.

DISPICIENDVM superest an Veteribus cognita
 on fuerit hæc arbor, eiusque historia literarum monu-
 mentis tradita: quandoquidẽ illam Indiæ partem Alex-
 andri Macedonis victoriæ Europæis etiam hominibus
 peruerunt.

Q. CURTIUS lib. 9. Hist. rerum ab Alexandro
 uestarum, refert, Alexandrum Poro rege, & Hydaspæ
 mne superato, ad interiora Indiæ processisse. Siluas au-
 tem fuisse prope in immensum spatium diffusas, proceris-
 que & in eximiam altitudinem editis arboribus umbro-
 sis: plerosque ramos instar ingentium stipitum flexos in
 unum, rursus qua se curuauerant erigi, adeo ut species
 set non rami resurgentis, sed arboris ex sua radice ge-
 nerata.

Indicæ arbo-
 res vastæ.

PLINIVS verò lib. 12. naturalis Hist. cap. 5. de
 ndicis arboribus agens, in hæc verba scribit.

Ficus ibi exilia poma habet. Ipsa se semper serens, va-
 tis diffunditur ramis: quorum imi adeo in terram in-
 rruantur, ut annuo spatio insignantur, nouamque pro-

Ficus Indica
 Plinij.

paginem faciant circa parentem in orbem quodam opere
topiario. Intra sepem eam æstuant pastores, opacam
pariter & munitam vallo arboris, decora specie subter
intuenti, procúlue, fornicato ambitu. Superiores eius ra-
mi in excelsum emicant siluosa multitudine, vasto matris
corpore, ut sexaginta pedes pleraque orbe colligant, um-
bra verò bina stadia operiant. Foliorum latitudo pelta
effigiem Macedonica [quæ à Xenophonte hederae folio
comparatur] habet: ea causa fructum integens, crescere
prohibet: rarusque est, nec faba magnitudinem excedens
sed per folia solibus coctus prædulci sapore, dignus mira-
culo arboris: gignitur circa Acesinem maxime amnem.

Meminit & lib. 7. cap. 2. Hæc [inquit] facit uber-
tas soli, temperies calis, aquarum abundantia (-si libeat
credere) ut sub una ficu turma condantur equitum.

STRABO item Geograph. lib. 5. similem etiam
arborem describit, tamen nullo nomine insigniat, his
verbis.

Indica arbor
admirabilis.

India multas quidem admirabiles arbores fert, e qui-
bus est, cuius rami ad terram propendunt, foliis non mi-
noribus clypeo. Onesicritus curiosius ea persequens qua-
sunt in Misisca terra India australissima, refert ar-
bores quasdam ingentes esse, quarum rami cum ad duo-
decenos cubitos creuerint, reliquum incrementum prorum-
faciant, deflecti quousque terram contingant, deinde ter-
ram subeant, ac radices agant veluti traduces, mox rur-
sus in truncum exeant, a quo postquam aucti fuerint, in
eodem modo flectantur, & aliam propaginem efficiant,
rursusque aliam: & sic deinceps, ut ab una arbore lon-
gum umbraculum fiat, tabernaculo multis columnis ni-
tenti simile.

Ex quibus descriptionibus facile cuius colligere li-
cet, eam arborem de qua nobis institutus est sermo,

illos au-

hos auctores intelligere voluisse.

SED diligentius pressiusque Theophrastus, qui Alexandri coetaneus fuit, quique haud dubie eorum narrationes curiose excepit, qui sub Alexandro in Indica expeditione militarunt. Is enim simili plane modo, paucis untaxat notis variantibus, Ficum Indicam describit, qualis illa arbor est, cuius historiam ex Fabricij narratione dedimus.

Plantarum igitur historiae lib. 4. cap. 5. sic ait. Indica autem regio arborem ficum vocatam sortitur, quæ è ramis radices demittit singulis annis, ut primo volumine tulimus: demittit autem non ex novellis, sed ex antiquis, atque etiam vetustioribus. Ille se terra coniungentes, et sepe circum arborem faciunt, ita ut veluti tabernaculum condatur, quo etiam morari homines solent. RACES autem nascentes evidentissime a ramis discernuntur: sunt enim candidiores, hirtæ, [δαρτα] tortuosæque, et fronde foliata [διδυμοειδής]. Item arbor comam suam lascivam gerit, [ἐξαιδὲ τὰν αἰῶνόνων ποδῶν] totaque fornicato ambitu pulchre orbiculatur, et magnitudine vehementer excellit: quippe umbram bino stadio cere fertur: et crassitudine caudicis, pleraque ultra sexaginta graduum [ἑξάκτων, pedis vestigiorum] sem colligere, magna vero ex parte quadraginta. Fom pelta non minus habet, [potius ad similitudinem um ad amplitudinem referenda hæc comparatio] etiam admodum parvum, magnitudine ciceris, ficu vilem: quamobrem Græci ficum eam arborem appellant. Paucos vero admodum fructus fert, non tantum arboris magnitudine, sed etiam omnibus rebus. Natur arbor hæc circa Acesnem amnem. hætenus Theophrastus.

QVAM itaque tam multis notis Ficus Indica à veteribus

Ficus Indica
Theophrasti

Cap. 12.

in signat
m. 10. 1.

ribus descripta, cum admiranda huius arboris in India nascentis (cuius nomen vulgare sibi excidisse serio dolet Fabricius) historia conueniat, eo audacius illi Ficus Indica nomen indidi, præsertim cum illam ipsam esse certo mihi persuadeam.

GARCIA autem illius nullam mentionem facere inter tot exoticas arbores locis Goana insula vicinis nascentes, quarum descriptiones in Aromatum historia asperfit, satis mirari nequeo.

Nos porro iconem ex Fabritij narratione, quam concinnè ex ipsius etiam indicio fieri potuit, adumbrare iussimus in studiosorum rei herbarie gratiam.

CETERVM cum hac arbore cognationem habere videtur, quam Oniedus Indica historia lib. 9. describit his verbis Latine ex Italico expressis.

MANGLE arbor est inter eas quæ in occidentali India vulgo nascuntur selectissima, cum ad adificiorum fabricas, tum ad reliqua fabrilia opera. Crescit vliginosi locis, littore maris, & ripis fluminum torrentiumque qui in mare dilabuntur: folia habet pyri maioribus foliis similia, crassiora tamen, & aliquantum longiora: stiliquas duorum palmorum longitudinis aut maiores, crassasq., Cassia solutinae fructui pares, fusci coloris, pulpam medulla ossium similem continentes, qua Indi aliorum eduliorum penuria vescuntur: etenim satis amara est, salubrem tamen cibum esse ferunt. Ego eius nihilominus esu in morbum incidi, licet adeo delicati palati non sim, nec ab iis cibis abstinere in penuria soleam, quibus alios vesci video: imo etiam nulla urgente penuria degustare soleo, ut commodius describere queam: cæque ratione hunc fructum degustavi, sed brutorum animalium & siluestrium hominum potius cibus est.

Admiranda est eius natura, plurimæ enim simul crescunt,

Mangle historia.

crescunt, multæ eius rami deorsum vergere & in radices conuerti videntur: nam præter plurimos quos erectos foliisque onustos atque ab inuicem seiunctos ut reliquæ arbores habet, multis etiam aliis cum crassioribus tum tenuioribus aphyllis sese ad aquam usque demittentibus, & sub terra aut arena radices figentibus prædita est, qui ubi apprehenderint, alios ramos sursum vergentes proferunt: non enim minus firmiter heret quam primarius arboris truncus, sic ut arbor multis candicibus simul connexis constare videatur, egregio sanè spectaculo, & singulari huius arboris natura.

B

4

CARO-

CAROLI CLVSII

ATREBATIS DESCRIPTIO-

NES PEREGRINARVM NON-
nullarum Stirpium, & aliarum exotica-
rum rerum.

ARBOR FARINIFERA




VT nostras in Garciam notas miran-
do digna arbor finiit: sic earum Stir-
pium, quas hi, qui Generosum FRAN-
CISCVM DRAKE comitati sunt,
observarunt, descriptiones, ab arbore
cuius natura admiratione non caret
auspicabimur.

Arboris fari-
niferæ histo-
ria.

IN Tarenate ergo insula Equatori proxima ad
Arcticum polum vergente nascitur arborea quedam
planta, cuius truncus humane coxae crassitiem aequat, de-
cem pedum altitudinem attingit, summo fastigio in or-
biculatum caput brassicae capitatae instar extuberans, in
cuius meditullio Natura quandam candidam farinam
produxit: ad illius insulae homines tenuioris fortunæ su-
stentandos: eam etenim diligenter colligunt, deinde ad-
fusa, siue inpersa potius modica aqua fermentant, pin-
sunt, & in formulas quasdam coctili latere constan-
tes permittunt longa serie, atque prunis accensis cir-
cumhaque admotis & superetiam impositis coquunt.
Super quo y panes siue placentia interdum palma-
res, vnde et crassitie, quibus illius insulae incole cali-
dis & recenter coctis vescuntur: at ubi induruerint
tepida aqua macerantes pultis modo edunt. Insipidi

ARBOR



B 5

saporis

saporis esse, cū degustarem, hic panis mihi visus est: verū iniecto piperis aut cinamomi momento cum saccharo, nonnullis deliciae esse queat.

Eiusmodi panis bina fragmenta qualia nostri Morgani opera accepi, hac tabella exprimi curauimus.

CANCRI GRAMEN DEPASCENTES.

Cancrī ter-
restres.

ANTE quā in superiorem insulam peruenirent, ad aliam quandam desertam, & multis altissimis arboribus consitam, aquationis gratia, & virium corporis fame afflicti reficiendarum causa appulerunt. In ea quum densas siluas ingressi essent, plurimos maiores cancrorum praegrandes cammaros inuenerunt gramen depascentes, & in arborum vento disiectarum canis, aut sub ipsis arboribus latitantes, quibus coctis & elixis famem, eos per multos dies prementem, auide explerunt. Eos autem praeter aliorum cancrorum morem in sicco perpetuo versari existimant: nam cum multos, dum in ea insula haerunt, aliquoties ad mare detulissent, atque in aquam abiecissent, subito effugere & ad pascua regredi obseruarunt.

Cancrorum
insula.

Sita est ea insula sub ipsa aequinoctiali linea, inter Iauam maiorem & Moluccas, nomine quidem illis ignota, sed quam a cancrorum istius maxima copia repertorum nomine Cancrorum insulam nuncuparunt.

Beretini fru-
ctus historia.

FRUCTVS BERETINVS.

IN eadem insula celsissimas inuenerunt arbores quercu maiores, foliis laurinis, crassis, splendentibus, & minime in ambitu serratis, quae oblongiusculum fructum ferunt, exiguis iligneis glandibus similem, nullo tamen calyce, ut ipsi referunt, inclusum, cortice tenui cinereo, interdum atro, tectum, nucleum continentem oblongiusculum, candidum, nullo (dum induruit) manifesto sapore pra-



pore preditum, tenui membrana tectum.

SIMILIBVS arboribus abundat Beretina insula illi vicina, ad quam postea delati sunt: à cuius incolis illarum arborum fructum, quem prius non attigerant, edulem esse didicerunt. Eo deinde more leguminum elixo, aut in farinam contuso, & pultis modo cocto & inspissato, alterius cibi penuria cum in ea insula, tum in nani famem subleuarunt. Eam arborem etiam alunt omnes Moluccæ insulae.

Eum porro fructum, cuius iconem hac tabella exprimimus, cum C. V. Dn. Richardus Garth Cancellaria Londinensis Primicerius, vir insigni pietate & doctrina preditus, atque humanissimus, & optime de me meritus, tum noster Morganus, mihi liberaliter communicarunt.

EORVNDem munere librum arboris habui tenuissima membrana instar candidum, quo omnis generis scriptura perinde atque vulgari papyro excipi queat.

Eum in

Papyrus ex
Iaua.

Eum in Jaua insula aliarum mercium permutatione Drake comites acceperant.

C A C A O.

Cacao.

CELEBREM etiam per vniuersam Americam multique vsus fructum, Peruanae prouinciae littora legentes, secum detulerunt Cacao appellatum, cuius cum luculenta descriptio apud Benzonem extet, qui miles aliquot annis noui orbis prouincias peragravit, ipsius verba, uti ab Urbano Calueto Latina facta sunt, hic subicere libuit.

Pomum Nicaraguae.

IN Nicaragua noui orbis prouincia pomum quoddam genus peculiare est, neque Hispaniola, neque ulli alteri Indiae parti concessum. Pyri nostri specie ferme est, ligno interiore rotundo, nucis crassitudine, & dimidio amplius, optimi & incundissimi saporis: arbor procera, exiguis foliis vestitur.

Paradisus Mahumetis.

Hispani cum primum eam prouinciam subegerunt, propter uberrimam omnium rerum ibi repertam copiam, eam Paradisum Mahumetis nuncuparunt. Duo inter cetera fert haec tellus nulli praeterea Indiae regioni concessa, excepta Guattimala, Hondurensis prouincia & Mexici finibus, totaeque nouae Hispaniae tractu. Vnum Panorum quoddam genus est, qui in Europam translati vulgo gallinae Indicae vocantur. Alterum, id quod Cacauatae vulgo vocant, quod monetae usum illis praebet.

Cacao historia.

Id fert arbor modice magnitudinis, nec nisi calido loco & opaco vinit. Simulac sole tactum est, contabescit: itaque sere in siluis umbroso & humido loco seritur: neque id satis, sed iuxta eius generis arborem aliam editiorē plantant: quae simulac adulescere coepit, eius cacumen ita coccinant aptantque, ut adulta ea arbor Cacauatem inumbret, defendatque ita ab aestu, ut Solis radiis ledi non possit.

non possit. Fructus amygdalarum specimen referens, sili-
quis quibusdam, velut cucurbitis, includitur, crassitu-
dine & latitudine cucumeris, annuo spatio maturescit.
Maturas eas ubi legere, excussum folliculis fructum su-
per storeis expassum ad solem exponunt, donec humorem
exsudauerit.

C A C A O.



Potñ ex eo confecturi, in testa fictili ad focum exsiccant:
mox lapidibus, quibus pinsitur panis, contusum & cōmo-
litum, fusumque in pateras (qua cucurbita specie ē cer-
tis arboribus per omnem Indiam nascuntur) paulatim
aqua temperant, atque interdum paululo pipere, quali
vulgo utuntur, condiunt, eoque in potu utuntur. Por-
corum ea verius colluvies quam hominum potio. Quum
eam provinciam peragrarem, plusquam integrum an-
num ab tali lora abhorruī: sed quū mihi vini copia non
esset, ne semper aquā bibere cogerer, alios imitari didici.

Ea calia

Ea calia sapore aliquantum amaro, satiat & refrigerat corpus, minimè tamen inebriat. hæc præcipua & carissima merx earum regionũ est: neque quidquam aliud Indi maiore in pretio habent, ubi quidem in usu est. Hætenus Benzo.

Amygdalæ planè similis est hic fructus suo putamine exempta, membrana tectus tenui, nigra, nucleo, qui in binas aut ternas partes diuidatur, subfusco & cinereis venis distincto, adstringentis & ingrati gustus: quare non mirum est, si qui primum degustant a potione ex eo confecta abhorreant, ego profecto puram aquam longè prætulerim. Eam tamen claris hominibus propinant, ut nos aromatites vinum solemus, referentibus iis qui pauculos fructus retulerunt, è quibus binos habui.



WINTERANVS CORTEX.

VVinterani
corticis hi-
storia.

WILHELMVS Winterus qui Generosum FRANCISCVM DRAKE ad Magellanicum usque fretum comitatus est, nec ulterius progressus, nauim cui præerat in Angliam anno 1579. reduxit, collectum istic corticem retulit, viliori Canellæ tum substantia, tum colore non admodum dissimilem, plerumque tamen crassiorẽ, & parte externa vel cinereũ, vel aliquando etiam fuscum, & ulmei corticis modo scabrum, interna nonnunquam dissectum & multis rimulis hiantem ut tilie cortex; interdum etiam admodum solidum & durum, odore non ingrato, sed gustu perquam acri, & linguam faucesque non leuius urente quàm piper.

ILLIVS facultates nullas exploratas habuit: sed eo, dum recens esset, partim melle condito, ut acrimoniam deponeret, partim resiccato & in pollinem trito; ut in eduliis canellæ aliorumque aromatum vicem præberet; vsi sunt qui ea navi vehebantur. Postea tamen intel-

WINT-



lexi ad.

lexi aduersus stomachacis siue scorbuti morbum, quo eorum nonnulli in illa navigatione affecti fuerant, optimo successu usos esse.

PLVRIMUM mihi accedere videtur ad Ligni aromatici corticem, cuius D. Monardes in *Simplicium historia* meminit, tametsi singularem illam odoris fragrantiam, quam suo cortici tribuit, in hoc deprehendere non potuerim.


DRAKENA RADIX.

Drakenę radicis historia.

SEMVNCIALI plerunque crassitudine prælongaque hac radix est, subinde in nodos & inæqualia capita extuberans, & in summis capitibus, veluti è crassis squammis contexta, Dentaria enneaphylli (quam in Pannonicis describo) modo, foris nigricans, & rugosa, duraque cum resiccata est, intus alba: fibris tenuibus sparsim nascentibus prædita, interdum maiusculis fractisque contumacibus, è quibus alij nodi dependent: nullo manifesto odore pollere deprehendi: sed gustu nonnihil adstringente & linguam exsiccante initio esse videtur, deinde diutius præmansa, tenuem suauemque acrimoniam in ore relinquit.

MAGNAM affinitatem habere videtur cum Radice S. Helene, de qua D. Monardes in lib. *Simplicium è nouo orbe delatorum*. Sed cum M. Eliot qui Dn. Drake comes fuit, Hispanos in Peru maximo in pretio habere, nec pretio redimi posse referat, ab iisque didicisse folia præsens venenum esse, ipsam autem non modo illius, sed reliquorum etiam venenorum antidotum esse, atque cor & vitales facultates roborare, si pollinis modo trita, manè ex pauxillo vino albo hauriatur; ex aqua vero febris ardores mitigare: Earum facultatum ratione, valde conueniret cum Radicibus venenis aduersantibus, de quibus

DRAKENA RADIX.



quibus

quibus eodem libro Monardes: in his tamen aromaticum saporem & caloris gradum desidero quem iis radicibus tribuit.

I P S E Drake sanè, cum mihi eas quas hic exprimo, cum Peruano lapide Bezar donaret, summæ esse æstimationis apud Peruanos asserebat.

VARII FRUCTVS PEREGRINI.

DONATI mihi sunt ab amicis, cum Londini essem anno 1581. peregrini aliquot fructus.

- I. HORVM maior ex eo genere est, quod in Annotatiuncula ad caput 26. lib. 1. Historiæ Aromatum secundo loco descripsi; sed longe amplior, utpote qui ternas uncias longitudine superet, crassitie unam, altitudine duas fere æquet, alioqui forma & colore eidem planè similis: nempe crasso cortice seu putamine constans, inferiore parte sessili, rugoso, scabròve & cinereo, superna autem & gibba, lævi, subrufo, vel potius spadiceo, ita ut animalculum duro corio tectum videatur: pragnans est, & nucleum intus cõtinet duas uncias longum, unam latum, geminum, extrema parte simul coherentem, tenui cinereaq; membrana tectum, materie firma ut amygdale aut castanea recentes, subfusca, pingui, & oleaginosa, odore satis incundo prædita, & gustu non ingrato.


Balsami fructus.

Eum accepit Lusitanus quidam mercator Petrus de Frias nuncupatus à provincia Peru Prorege, pro fructu illius arboris in nouo orbe nascentis, ex qua Balsamum elicitur, cum ipso Balsami oleo. Verum, si D. Monardes descriptioni credendum est, longè minor est Balsami fructus. Consule finem capitis 8. ipsius Hist. Simplic. ex nouo orbe delatorum, quam pridem Latinari fecimus.

- II. ALTER nucis inglandis fere magnitudine est, extrema parte latiusculus, totus rugosus, atque ut nucis in-

BALSA-

BALSAMI FRUCTVS.



C 2

glandis

glandis putamen inequalis, niger, sed magna ex parte veluti crusta quadam durissima & cinerea tectus: lenis est & minimè ponderosus, tametsi admodum solidus sit, & saxeae duritiae praeditus, nec minus in aqua subsidat quàm lapis: confractus, crasso durissimoque cortice constare deprehenditur, & nucleum candidum, succulentum, grati saporis, iucundique odoris, oleum fere macis referentis continere, in binas partes sectum & tenui candidaque membrana diuisum, alia insuper paullo crassiore firmioreque inclusum.


Eiusmodi ante plurimos annos Antuerpiae inter aromata inuentos memini.

III. MAGNAM similitudinem habet Tertius cum Prima nuce in Adnotationibus ad 26. cap. 1. lib. Hist. Aromaticum descripta, sed paulo minor est, angulosus, niger, crassioribus quibusdam firmisque villis ipsi incumbentibus & firmiter inhererentibus obseptus, altera parte tribus foraminum vestigiis insignitus, quorum tertium maiusculum est & infra spectat: praeduro putamine constat & praeagnans est, nam concussus crepitat & sonitum edit.

IIII. QVARTVS nucis auellanae magnitudine, & eiusdem colore, putamine duro, veluti in duas partes diuiso, nucleum intus continens.

Similes aliquando Granatae in Hispaniis accepi ab Ill. Dn. Didaco ab Stuniga, recens ex Aphrica (el peñon de Velez arce ab Hispanis occupata) delatos, nucleum continentes album, dulcem: quas ad Vnguentaria nucis genus aliquod referendas existimabam.

V. QVINTVS, duntaxat nucleus est suo putamine siue cortice exemptus, firmus, tenui membrana fusca & multis venis distincta, firmiterque ipsi nucleo inherente tectus: ipsa materies firma est, candida, pulpa nucis indicat siue



III.




V



II.



III.



IV.



dica sine Cocci similis, nullo quidem odore praeclata, sed satis grato sapore. Calidum in primo gradu, aut secundi initio arbitror.

VI. **SEXTUS**, orbiculari fere rotunditate & tanquam torno elaboratus est, ouo passerino minor, flavus omni ex parte, nisi in altera extremitate subfusca macula insignitus esset, solidus, lapideaque duritie, & in aqua subsides.

Priores quinque à Iacobo Gareto iuniore Aromatario, viro integerrimo accepi. Sextum ab humanissimo doctissimoque viro Dn. Ioanne Ritzio Serma Reginae Angliae Elizabethae pharmacopæo, qui multis beneficiis dum Londini essem me affecit. Eum verò à C. V. Nicolao Rassio accepisse fatebatur.


AT postquam Viennam redi, inter multos exoticos fructus, quos, ut alia pleraque rariora, suis capsis inclusos adseruo: alios inveni quos à nemine adhuc descriptos existimo. Rem itaque minime ingratam studiosis me facturum arbitratus sum, si illorum breues descriptiones, atque icones superioribus adiicerem.

PRIOR, Alteri iam memorato non admodum dissimilis est, sed minor, & ponticam nucem non excedens (tametsi iuglandi fere aequales videre meminerim) levis, splendens, cinerei coloris, & saxea duritie praeditus, licet in aquam demersus supernatet, inaequalis aliquantulum, & compressus, uti pisa quae in eadem siliqua nata sese mutuo contigerunt.

ALTER ovalis, Iudaico lapidi magnitudine par, & eius formam exceptis striis pulcerrime exprimens, ex rufo nigricantis coloris est, ut maiores nonnullae gallae, levis, & aquae impositus supernatans, duro putamine constans, ac nucleum continens.

TERTIUS illo minor, & mediocrem nucem auellanam


I.




II.



III.



III.



IV.



VI.




VII.






.VIII.



.IX.



.X.



.XI.

nam non excedens, orbicularis fere, nisi infima parte paulo angustior in triangularem veluti cuspidem desineret, colore alteri similis est, & tamet si levis, in aqua subsidens & imum petens, duro crassoque putamine constat, & nucleum candidum tenui fusca membrana tectum continet.

Utrumque hunc anno humanæ salutis 1579. Londini nactus sum à nostro H. Morgano, qui ex ea Nigritarum in Aphrica regione quæ vulgo Guinea appellatur, & circiter quinque gradus ab æquatore distat, eodem anno delatos asserebat: eam ob causam initio subsequenti anni, maiorem unum, & minores duos, quorum alter suo putamine exemptus erat, terræ in fictili credidi: sed neuter natus est, quemadmodum nec sequentium nonnulli, quos cum in Belgio, tum hic terræ commisi.

QUARTO spherica pene est figura, magnitudo fere uncialis, putamen crassum admodum & durum, perpetuis tuberculis undique obsitum; coloris flavescentis, linea eminentiore transuersum secante, quam, ut in inglandibus, putaminum coniunctionem & commissuram esse arbitror.

QUINTO plane spherica est forma, magnitudo vulgaris globuli bombardici, putamen eiusdem cum superiore coloris, & perpetuis similiter tuberculis, at non adeo crassis obsitum, nullaque linea cinctum.

SEXTVS, officinarum Nuce vomica maior est, planus idem atque similis coloris, nempe cinereus, superna parte paulo eminentior, & in ambitu quodammodo sinuosus, infima vero, quinque grana inter se disiuncta, & veluti ipsi impressa ostendens, mespilorum setaniorum officulis non valde absimilia, quæ exempta, satis alta lacunarum vestigia relinquunt. Totus lignea duritie præditus est.

SEPTIMI forma etiam plana est, sed à superiore discrepans, rugosa & nonnullis locis intumescens, color ex cinereo nigricans, qualis in nonnullis Cajous fructibus, quorum iconem & historiam libro *Aromaticum* cap. de *Anacardio* dedi. Is per medium sectus nulla grana, sed splendentem quendam nigrumque succum iam concretum & induratum duntaxat continere deprehenditur: itaque inter fructus potius vitia, quam inter fructus numerandum censeo.

Hos omnes cum *Acacia* vera siliquis & seminibus, parvis quibusdam conchylis, & aliis quisquiliis in *Piperis* repurgatione & delectu aliquando inuentos memini. Sequentes vero olim nouo orbe delatos ex *Hispaniis* accepimus.

OCTAVVM, *Pinei* alicuius generis nucleos esse existimo, adeo nostratis *pineæ nucis* sine strobili nucleos referunt, licet plerumq. nostris sint & longiores & crassiores: durum similiter putamen & idem color.

IN NONO quedam est varietas: nam alter altero maior & amplior est, licet color & forma propemodum eadem. Planus est & oblongiusculus, altera parte latior, altera angustior, glaber & laevis, totus fusci aut interdum spadicei coloris, nisi linea quedam candicans, qua parte suo fructui adhesit (nam altero inclusus fuisse videtur) varium faceret: pragnans est, & sonitū edit.

Hi duo pepitas del Peru, id est, acinorum *Peruanorum* nomine insignes missi fuere.

DECIMVS *Cassie solutinae*, aut *Cerati*orum semen magnitudine aequat, cui etiam forma persimilis est, sed tumidior aliquantum, & colore differens, qui in hoc egregie rubet ut in *Oxyacanthæ* fructu, solidus & durus, atque in aqua subsidens & in urina petens: siliqua aut alio fructu inclusum fuisse arbitror.


Eum no-


Enim nomine Mates accepi.


POSTREMUM locum occupabit Phasiolus ille colore Macounæ simili, hoc est, ex spadiceo nigricante, sed planiore longiorēque forma, hilo non admodum magno, cuius ad Epistolam Petri de Osma Nicolao Monardes inscriptam, postrema editione memini, quique Dno Maximiliano II. felicissima memoria Cesari ex Hispaniis missus fuit Haba de India muy larga, id est, Faba Indica prælonga nomine. Aqua mersus immo petit.

FINIS.

ANTVERPIAE
EXCVDEBAT CHRISTOPHO-
RVS PLANTINVS, ARCHI-
TYPOGRAPHVS, ANNO CIO.
IO. LXXXII. MENSE FEB.







FS82

L463C

